

涉縣志卷之八

邑令大興黃澤重修

名宦

邑有名宦祠誌感前哲亦勵後賢也甘棠載詠墮
淚名碑古既傳之今世風雖降公道在人苟有實
心實政遺愛在民能不尸而祝之乎涉之名宦漢
唐湮沒不傳元明以來德澤所被歷歷可考者俱
炳然邑乘百世不能忘也諒為君子當如是耳

涉縣志

卷之八 名宦

金

李 適字平甫明昌間為涉令時邑乏水適行視
西山下得羨泉度地之高下為渠灌田百頃至今
賴之

元

王琚仁字君玉河間人延祐中宰涉為政以寬待
物以誠舊東南城隅水歲衝崩甚為民害作堤一
道障之今稱王公堤

李良弼字唐臣陽山人至正十一年令涉清白平
正剪惡安民興學勸農善政不一士民以召父方
之

明

沙 玉字子期武昌人洪武末以人材任值大禮
懼民離散乃盡召富民貲給貧者約豐歲本息償
之永將熟促民晝夜收穫後蝗至鄰邑被災惟涉
得免在任九年興學校均賦役去官民泣思之

涉縣志

卷之八

各宦

二

牛 遜唐山人由監知縣下車先訪儒雅百廢俱
興持身廉潔均平賦役去後常見思

劉 祥鎮遠人由舉人知涉勤政恤民人莫敢欺
申 傑靈壽人嚴保甲以弭盜公文量以正賦廉
介自守始終不渝不事鞭朴吏民畏服

許文獻號山峯長洲人嘉靖中由選貢宰涉性狷
介甘澹泊課士興文禱雨輒應執法不撓境內大
治

陽 冲富順人由舉人知涉噐宇軒昂存心豈弟
撫字勤勞政教兼舉以憂去百姓思之

左仰竒河間人由貢生知涉儉以持已寬以治民
安集流亡勸農課士修葺 文廟告致之後士民
德之康熙四十七年知縣黃澤詳允入名宦祠